



La nòstra confrariá bacchica naissèt a Marselha dins l'annada de gràcia 1690,

dins un cercle d'oficièrs de la marina reiala venguts de la nauta noblesa, mai siquèt en 1693 que coneguèt son plen desvolopament. Sota l'influéncia dau senhor **Girardin de Vauvre**, intendènt de la marina a Tolon, son objectiu principau èra de permetre ais oficièrs de marina, tornats de lònchs viatges sus lei galèras, d'èstre aculhits dignament a tèrra e de profiechar d'abondants banquetes bèn regats. Son ròtle sociau èra força important, amb lo sosten ais membres de l'Òrdre bleçats en combat e a sei familhas, ò per pagar lei rescatatges deis oficièrs presoniers deis piratas barbarescs.

Après s'èstre difusat dins lei pòrts militars dau reiaume, l'Òrdre de Medusa foguèt mes en pausa durant la Revolucion Francesa per renàisser en 1951, quand lei vinhairons provençaus, menats per lo **Baron de Rasque de Laval**, proprietari dau Château Sainte Roseline ai Arcs sus Argens dins lo Var, cerquèron de donar a la region de Provença un simbòl identitari fort, permetent de valorizar tant lei tradicions ancianas coma lei vins dau terrador.

Dempuei, l'Òrdre a pas jamai cessat de créisser e de brilhar, contribuent a la promocion dei denominacions ampelograficas de Provença: Palette, Cassis, Bandòu, Còstas de Provença, Coteaux Varois en Provença, Bellet e Ais de Provença. Son mai de 2000 Cavalièrs, puèi Oficièrs e Comandants, que s'aimanèron a la nòstra Confrariá, cadun menant sa pèira a l'edifici sota l'égida dei mòts-claus

Tradicion, Futur, Elegància, Plaser e Partatge.

Uei, l'Òrdre deu retrobar la combativitat dei temps ancians e donar la prioritat a sa dobla foncion d'avocat e d'ambassadeur oficiau dei Vins de Provença. Un tal ròtle correspond en tot a la letra de nòstri pròpris estatuts:

« L'Illustre Òrdre dei Cavalièrs de Medusa a per tòca de promòure lei vins de Provença, tot en mantenent vivas lei grandas oras dei sègles passats. »

